

IMF ta alarma:

Aruba den crisis financiero severo

Sin cambio di maneho ta pronostica desaster!

ORANJESTAD (AAN) : Gabinete Oduber III den 4 aña a hinca Aruba den un crisis financiero severo.

Si no bin un cambio IMF ta pronostica un debacle financiero pa Aruba.

IMF ta alarma cu e forma con e debe di pais Aruba a crece durante Gabinete Oduber III.

Nan ta muestra con na 2000 Aruba su debe tabata unicamente 28% por ciento di nos Producto Bruto Nacional (GDP/PBN), pero cu esaki a aumenta e ultima 4 añanan pa 45% di nos Producto Bruto Nacional.

E ta bayendo pa 50% y sin cambio di e maneho aki di MEP e lo sigui escala y Aruba lo haci "public finance unsustainable". Den otro palabra un debacle financiero.

IMF ta bisa literalmente: "Aruba's public finances are at a critical juncture. With unchanged policies, public debt is projected to continue to increase rapidly in the medium term. This would not only further increase fiscal vulnerabilities but also exacerbate the fiscal problems of upcoming population aging"; den papiamento crioyo; si no cambia e maneho desastroso cu e gobierno actual ta hibando anto lihe, e pais aki ta bay dia pa dia den un desastre cada biaha mas grandi ainda.

IMF ta muestra con bao di e periodo di e gobierno actual

gastamento di placa na entre otro personal y otro gastonan coriente a haci cu e deficitnan a crece grandemente.

Cu esaki e situacion fiscal di Aruba a cuminsa deteriora despues di aña 2000.

IMF ta bisa: "Aruba's fiscal position has been deteriorating since the turn of the century, and the medium-term fiscal sustainability analysis shows a continuous weakening ahead of population aging. The longterm projections, partly because of the weak starting fiscal position, indicate an even bigger problem. This, combined with the consequent rapid increase in pension spending, will make public finances unsustainable".

E pronostico di IMF pa futuro si e maneho aki sigui ta hopi cla: "Bigger problems" y "public finance unsustainable".

Posicion financiero di gobierno ta indica

problemanan mas grandi ainda!

Locual IMF ta wak si e maneho aki continua ta mas deficit y mas debe pa financia e deficit: "Under unchanged policies, public debt is projected to increase rapidly in the medium term. Reflecting increasing borrowing costs, the overall deficit is set to widen further, from 5¼ percent of GDP in 2005 to 6½ percent in 2009. As a result, public debt is projected to soar to over 60 percent of GDP in 2009, from about 42 percent in 2003; debe di gobierno lo yega te hasta na 60% di nos GDP; mas cla y mas directo IMF no por ta cu e informacion aki y ainda gobierno di MEP ta sigui trata tira santo den wowo di pueblo bisando cu gobierno ta drechando su situacion financiero.

E preocupacion di IMF pa futuro di Aruba ta

sumamente grandi. Nan ta muestra con si cos no cambia Aruba ta keda paga interes so y e debe lo sigui aumenta. Pa 2030 nan ta proyecta e ora ey cu nos debe lo ta dos vez mas grandi cu e Producto Bruto Nacional: "will leave public debt above 200 percent of GDP by 2030".

Segun DIARIO tin entendi cu den e dianan aki lo tin reunionnan urgente di institutonan financiero y gremionan pa mira con ta bay haci pa cambia e rumbo di e maneho aki cu ta hibando Aruba na bancarota.

Locual ta preocupa e gremionan mas ainda ta cu e cantidad di nombracionnan durante e dianan aki por pone cu gabinete Oduber na final di su termino lo a pone mas den 2000 hende mas den


gobierno y mara Aruba na contractnan miyonario di huurmento di edificio y servicio di abogado, accountants y consultant nan amigo. Sin cu esaki ta sirbi nos pais na nada.

Un situacion alarmante financiero sin tuma na cuenta e desaroyo delicato rond di e caso di Natalee Holloway pa nos turismo. Den esaki tambe gabinete Oduber ta fayando barabaramente.

Reaccion di gobierno sigur lo bay ta manera custumber; ta e gobierno anterior aki y e gobierno anterior aya, pero nan mes den 4 aña no por a drecha e situacion; 4 aña di gobernacion perdi y pais Aruba den debenan biyonario ta e resultado final di gobernacion di MEP.

TELEFONNAN DI DIARIO
582-6747- FAX 582-8551

ROBOT@WORK!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Magic Sweep

Afl: 35,=